

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

na Nacrt odluke o snabdjevanju kvalifikovanih kupaca u Brčko Distriktu Bosne i Hercegovine

Sarajevo, oktobar 2011. godine



Broj: 01-26-7-17-1-I/11
Sarajevo, 20.10.2011. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na zahtjev Državne regulatorne komisije za električnu energiju Bosne i Hercegovine, zaprimljenog od strane Konkurencijskog vijeća dana 21.09.2011.godine pod brojem: 01-26-7-17-I/11 Konkurencijsko vijeće na 20. (dvadesetoj) sjednici održanoj 20.10.2011. godine, daje

M I Š L J E N J E

Nacrt odluke o snabdijevanju kvalifikovanih kupaca u Brčko Distriktu Bosne i Hercegovine, usaglašen je sa Zakonom o konkurenciji.

O b r a z l o ž e n j e

Državna regulatorna komisija za električnu energiju Bosne i Hercegovine, (u daljem tekstu: DERK ili Podnosilac zahtjeva), podnijela je dana 21.09.2011. godine Konkurencijskom vijeću, Zahtjev za davanje mišljenja na Nacrt odluke o snabdijevanju kvalifikovanih kupaca u Brčko Distriktu Bosne i Hercegovine (u daljem tekstu: Nacrt odluke) u smislu usaglašenosti iste sa odredbama Zakona o konkurenciji.

Na osnovu Zakona o prenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), DERK ima ovlaštenja da uređuje i djelatnost proizvodnje, distribucije i snabdijevanja kupaca električnom energijom u Brčko Distriktu Bosne i Hercegovine.

Nacrtom Odluke omogućeno je kvalifikovanim kupcima, tj., kupcima električne energije koji su priključeni na prenosnu ili distributivnu mrežu, da kupuju električnu energiju po vlastitom izboru. Sticanjem statusa kvalifikovanog kupca, kupac slobodno bira snabdjevača električnom energijom i s njim slobodno ugovara količinu i cijenu električne energije, dok usluge za korištenje prenosne i distributivne mreže, kao i pomoćne usluge plaća po regulisanim cijenama. Slobodno formiranje cijena i količina snabdijevanja električnom energijom između kvalifikovanih kupaca i snabdjevača, trebalo bi za posljedicu imati jačanje tržišne konkurencije među učesnicima na relevantnom tržištu, te pozitivan učinak za krajnje potrošače.

Također, Nacrt Odluke je definisao i pojam dodijeljenog snabdjevača koji ima obavezu da snabdjeva sve kvalifikovane kupce koji u roku iz člana 12. Nacrta ne izaberu snabdjevača po svom izboru. Takva obaveza javne usluge na području na kojem se nalazi kvalifikovani kupac u ovom slučaju pripast će Javnom preduzeću za komunalne djelatnosti "Komunalno Brčko" d.o.o.

Nacrt Odluke trebao bi omogućiti postizanje ciljeva koji su DERK-u postavljeni Zakonom o prenosu, regulatoru i operatoru sistema električne energije u Bosni i Hercegovini u svrhu uključivanja u međunarodno tržište električne energije i uvođenje konkurencije, kao i onemogućavanje monopola u elektroprivrednoj djelatnosti, stvaranje uslova za racionalan i ekonomičan razvoj djelatnosti proizvodnje, distribucije i snabdijevanja električnom energijom na prostoru Brčko Distrikta, zaštite općeg javnog interesa, stvaranja podsticaja za postojanje i rad elektroprivrednih društava na načelima nediskriminacije i ravnopravnosti.

Iz navedenog proizilazi da je Nacrt odluke usaglašen sa odredbama Zakona o konkurenciji i Konkurencijsko vijeće na isti daje pozitivno mišljenje.

Predsjednik

Ibrica Lakišić

Dostavljeno:

- 1. Podnosilac zahtjeva**
- 2. Arhiva**